

ВСЕНОЩНОЕ БДЕНИЕ. КАНО́Н:

ПЕСНЬ 1:

КАНОН ВОСКРЕ́СНЫЙ, ГЛАС 2:

Хор:

Ирмос: Во глубинѣ постлѣ иногда/ фараонѣтское всево́инство преору-
женная сила;/ воплощающееся же Слово всезлѣбный грех потребило
есть,/ препрославленный Господь,// славно бо прославися.

Припев: Слава Господи, святому Воскресению Твоему.

Тропарь: Мирский князь Блаже, емуже написахомся,/ заповеди Твоея не по-
слушавше, крестом Твоим осудися:/ приразися бо Ти яко смертну:/ отпадѣ
же власти Твоея державою,// и немощный обличися.

Припев: Слава Господи, святому Воскресению Твоему.

Тропарь: Избавитель рода человеческого,/ и нетленному животу Начальник/ в
мир пришел еси:/ Воскресением бо Твоим раздрал еси смертныя пелены,//
Еже славословим вси: славно бо прославися.

Припев: Пресвятая Богородице, спаси нас.

Богородичен: Превы́шши явилася еси, Чистая Присноде́во,/ всякия невидимыя же и
видимыя твари:/ Зиждителя бо родила еси,/ яко благоволи воплотиться во
утробе Твоей,// Егже со дерзновением моли, спасти души наша.

КАНО́Н БОГОРО́ДИЦЫ, ГЛАС 2:

Припев: Пресвятая Богородице, спаси нас.

Тропарь: Невещественная древле лѣствица,/ и странно оледенѣвший путь моря,/
Твое являше Рождество, Чистая,// еже поем вси: яко прославися.

Припев: Пресвятая Богородице, спаси нас.

Тропарь: Сила Вышняго, Ипостась Совершенная, Божия Мудрость,/ воплощися,
Пречистая, из Тебѣ,// к человеком бесѣдова: яко прославися.

КАНО́Н ТРИО́ДИ, ГЛАС 2:

Припев: Помилуй мя Боже, помилуй мя.

Тропарь: Иисусе Боже, кающаяся прими́ ны́не и мене́,/ яко блуднаго сына, все жи-
тиѣ в лѣности живша,// и Тебѣ прогнѣвавши.

Припев: Помилуй мя Боже, помилуй мя.

Тропарь: Еже ми дал еси прежде,/ зле расточи́х Божественное богатство,/ уда-
лихся от Тебѣ, блудно жив:// благоутробне Отче, прими́ убо и мене́ обра-

щающаяся.

Припéв: **Помíлуй мя Бóже, помíлуй мя.**

Тропарь: **Объя́тия ны́не Отéческая простéр,/ приими́ Гóсподи и мене́, я́коже блúднаго, Всещéдре,// я́ко да благодарно́ просла́влю Тя.**

Припéв: **Пресвята́я Богоро́дице, спаси́ нас.**

Богородичен: **На мне Бóже, всю показáв благосты́ню,/ прэзри мо́их мно́жество согрешéний, я́ко благодéтель,// божéственными Мáтере Твоея́ мольба́ми.**

КАНО́Н СРЕ́ТЕНИЯ, ГЛАС 3:

Припéв: **Сла́ва, Тебе́, Бóже наш, сла́ва Тебе́.**

Тропарь: **Да ка́плют во́ду о́блацы,/ Со́лнце бо, на о́блаце лёгче носíмо, настáло есть,/ на нетлénную руку́, Христóс в цéркви я́ко Младéнец./ Тёмже, вёрнии, возопи́м:// по́йм Гóсподеви, сла́вно бо просла́вился. (Два́жды)**

Сла́ва Отцу́, и Сы́ну, и Свято́му Ду́ху.

Тропарь: **Крепи́тся, ру́це Симео́ни, ста́ростию осла́бленнии,/ лы́ста же претруж-де́нна ста́рча правобыстро́ дви́жится Христú на сре́тение,/ лик со бесп-ло́тными соста́вльше,// по́йм Гóсподеви, сла́вно бо просла́вился.**

И ны́не и прíсно и во ве́ки веко́в, ами́нь.

Богородичен: **Ра́зумом простéртая Небеса́, весéлитесь, и ра́дуйся, земле́,/ из Пребо-жéственных бо недр Хитре́ц прошéд Христóс,/ Мáтерию Дéвою Бóгу Отцу́ прино́сится Младéнец, Ё́же прёжде всех,// сла́вно бо просла́вился.**

КАТАВА́СИЯ СРЕ́ТЕНИЯ, ГЛАС 3:

Хор: **Су́шу глуборо́дительную зéмлю/ со́лнце нашéствова иногда́:/ я́ко стена́ бо огустé обапо́лы вода́ лю́дем пешоморехо́дящим,/ и богоугóдно пою́щим:// по́йм Гóсподеви, сла́вно бо просла́вился.**

ПЕСНЬ 3:

КАНО́Н ВОСКРЕ́СНЫЙ, ГЛАС 2:

Хор:

Ирмос: **Процвела́ есть пусты́ня, я́ко крин, Гóсподи,/ язы́ческая непло́дящая цéрковь,/ пришéствием Твои́м,// в нейже утверди́ся моё сéрдце.**

Припев: **Сла́ва, Гóсподи, свято́му Воскресéнию Твоему́.**

Тропарь: **Тварь в стра́сти Твое́й изменя́шеся,/ зря́щи Тя в нищéтне о́бразе от без-зако́нных поругáема,// основа́вшего вся Божéственным мановéнием.**

Припев: **Сла́ва, Гóсподи, свято́му Воскресéнию Твоему́.**

Тропарь: **От пёрсти по о́бразу мя руко́ю Твое́ю созда́л еси́:/ и сокруше́нна па́ки в**

персть смѣртную за грех, // Христѣ сошѣд во ад, совоскресѣи еси.

Припев: Пресвятáя Богородице, спаси нас.

Богородичен: Чѣни удивѣшася áнгельстии, Пречѣстая, / и человѣческая устрáшшася
сердцá о Рождествѣ Твоѣм: // тѣмже Тя, Богородицу, вѣрою чтим.

КАНО́Н БОГОРО́ДИЦЫ, ГЛАС 2:

Припев: Пресвятáя Богородице, спаси нас.

Тропарь: Иже вѣремене превѣшшій всякаго, / я́ко вѣременем Творѣц, // из Тебѣ,
Дѣво, волю Младѣнец создáся.

Припев: Пресвятáя Богородице, спаси нас.

Тропарь: Чрѣво прострáннейшее небѣс воспойм, // имже Ада́м на небесѣх рáдуяся, живѣт.

КАНО́Н ТРИО́ДИ, ГЛАС 2:

Припѣв: Помѣлуй мя Бо́же, помѣлуй мя.

Тропарь: Весь вне быв себѣ, / умоврѣдно прилепѣхся страстѣй обретáтелем: // но
приими́ мя, Христѣ, я́коже блúднаго.

Припѣв: Помѣлуй мя Бо́же, помѣлуй мя.

Тропарь: Блúднаго глáсу поревновáв, вопию́: / согрѣших, О́тче, я́коже о́наго úбо, //
и менѣ обыми́ ны́не, и не отрини менѣ.

Припѣв: Помѣлуй мя Бо́же, помѣлуй мя.

Тропарь: Объя́тия Твоя́ простѣр Христѣ, / мѣлостивно приими́ мя, // от страны́
да́льныя грехá и страстѣй обраща́ющася.

Припѣв: Пресвятáя Богородице, спаси нас.

Богородичен: Дóбрая в женáх, обогати́ и менѣ дóбрых вѣды, / грехи́ мнóгими обни-
щáвшаго Чѣстая, // я́ко да слáвлю Тя.

КАНО́Н СРѢ́ТЕНИЯ, ГЛАС 3:

Припѣв: Сла́ва, Тебѣ, Бо́же наш, сла́ва Тебѣ.

Тропарь: Перворождѣн из Отцá прѣжде век, / Перворождѣн Младѣнец из Дѣвы не-
тлѣнная, // Ада́му рúку простира́я, явѣся. *(Дважды)*

Сла́ва Отцú, и Сы́ну, и Свято́му Дúху.

Тропарь: Младоúмна бѣвша прѣлестию́ первозда́ннаго // па́ки исправля́яй Бог
Сло́во, младе́нствовав, явѣся.

И ны́не и прѣсно и во вѣки веко́в, аминь.

Богородичен: Землі́ исча́дие, па́ки потѣкшее в ню, / Божества́ сообра́зное естество́
Зиждѣтель // я́ко непрелóжне, младе́нствовав, яви́.

КАТАВА́СИЯ СРѢ́ТЕНИЯ, ГЛАС 3:

Хор: **Утвержде́ние на Тя надéющихся,/ утверди́, Го́споди, Це́рковь,/ ю́же
стяжа́л еси́// честно́ю Твое́ю Кро́вию.**

ЕКТЕ́НІЯ МА́ЛАЯ...

КОНДА́К СРЕ́ТЕНИЯ, ГЛАС 1:

Утро́бу Деви́чу освяти́вый Рожде́ством Твои́м/ и ру́це Симео́не благо-
слови́вый,/ я́коже подобáше, предвари́в,/ и ны́не спасл еси́ нас, Христе́
Бо́же,/ но умири́ во бранéх жи́тельство// и укрепí лю́ди, ихже возлюби́л
еси́, Еди́не Человеколю́бче.

Икос:

К Богоро́дице притеце́м, хотя́щии Сы́на Ея́ ви́дети, к Симео́ну носи́ма,/
Его́же с Небесé Безплóтнии ви́дяще, дивля́хуся, глаго́люще:/ чу́дная зрим
ны́не и пресла́вная, непостижи́мая, несказа́нная!/ И́же бо Ада́ма созда́вый
но́сится я́ко Младене́ц,/ Невмести́мый вмеща́ется на рука́х ста́рчих,/ И́же в
не́драх неопи́санных Сый Отца́ Своего́/ волею описы́ется плóтию, а не Боже-
ством,// Еди́н Человеколю́бец.

Слава Отцу и Сыну и Святому Духу.

СЕДА́ЛЕН ТРИОДИ, ГЛАС 1, ПОДО́БЕН: «ГРОБ ТВОЙ...»:

Объя́тия О́тча отве́рсти ми потщи́ся,/ блу́дно ижди́х моё жити́е,/ на бо-
га́тство неизжива́емое взира́й щедро́т Твои́х Спа́се,/ ны́не обнища́вшее
моё се́рдце не прэзри./ Тебе́ бо Го́споди, во умилéнии зову́:// согрешíх,
О́тче, на не́бо и пред Тобо́ю.

И ныне и присно и во веки веков. Аминь.

СЕДА́ЛЕН СРЕ́ТЕНИЯ, ГЛАС 3, ПОДО́БЕН: «КРАСОТÉ...»:

От Де́вы Тя воплоще́нна, Христе́, ра́дуясь, подъя́т свяще́нный Симео́н,/ –
ны́не отпуща́еши, – вопия, – раба́ Твоего́, Влады́ко./ А́нна же непоро́чная,
проро́чица и сла́вная,/ ны́не испове́дание и пéние прино́сит Тебе́./ Мы же,
Жи́знодавче, вопи́ем Ти:// сла́ва та́ко благоволи́вшему.

ПЕСНЬ 4:

КАНОН ВОСКРЕ́СНЫЙ, ГЛАС 2:

Хор:

Ирмос: **Прише́л еси́ от Де́вы, не ходата́й, ни А́нгел,/ но Сам, Го́споди, воп-
ло́щься,/ и спасл еси́ всего́ мя челове́ка./ Тем зову́ Ти:// сла́ва си́ле
Твое́й, Го́споди.**

Припев: **Сла́ва, Го́споди, свято́му Воскресе́нию Твоему́.**

Тропарь: Предстойши суди́щу я́ко суди́мь, Бо́же мой,/ не вопи́я Влады́ко, суд износя́ язы́ком:/ и́мже стра́стию Твое́ю, Христé// вселénней соде́лал еси́ Спасéние.

Припев: Сла́ва, Го́споди, свято́му Воскресéнию Твоему́.

Тропарь: Стра́стию Твое́ю, Христé,/ врагу́ оскудéша ору́жия,/ протíвным же éже во ад сходя́дением Твои́м, гра́ды разруши́шася,// и мучи́телева дёрзость низложéна бысть.

Припев: Пресвята́я Богоро́дице, спаси́ нас.

Богородичен: Тя пристáнище спасéния, и стéну недви́жиму,/ Богоро́дице Влады́чице, вси ве́рнии свéмы:// Ты бо моли́твами Твои́ми избавля́еши от бед ду́ши на́ша.

Канóн Богоро́дицы, глас 2:

Припев: Пресвята́я Богоро́дице, спаси́ нас.

Тропарь: Се превознесéся Божéственная Горá до́му Госпóдня,// превы́шше сил, Богома́терь я́вственнейше.

Припев: Пресвята́я Богоро́дице, спаси́ нас.

Тропарь: Зако́нов естéственных кромé,/ Еди́на Дéво рóждши влады́чествующаго тва́рию,// сподóбилася еси́ Божéственного звáния.

Канóн Триóди, глас 2:

Припев: Поми́луй мя Бо́же, поми́луй мя.

Тропарь: Богáтство благíх, éже дал ми еси́ Небéсный О́тче,/ расточи́х зле, стрáнным гра́жданом порабо́щен./ Тéмже вопи́ю Ти: согрешíх Ти,/ приими́ мя я́ко блу́днаго дрéвле,// простéр объ́ятия мне Твоя́.

Припев: Поми́луй мя Бо́же, поми́луй мя.

Тропарь: Вся́кой злóбе порабо́тихся,/ прини́кнув ока́нно страстéй дéлателем,/ и себé вне бых несмотréнием,/ ущéдри мя Спа́се, Пренебéсный О́тче,// прибега́юща ко мно́гим Твои́м щедрóтам.

Припев: Поми́луй мя Бо́же, поми́луй мя.

Тропарь: Вся́каго студá испóлнихся,/ не смéя воззрéти на высотú небéсную:/ и́бо безсловéсно прини́кнув греху́,/ ны́не же обра́щся вопи́ю умилéнием:// согрешíх Ти, приими́ мя, Всецарю́.

Припев: Пресвята́я Богоро́дице, спаси́ нас.

Богородичен: Челове́ком по́моще, упováние твёрдое всем христиáном,/ прибе́жище Чíстая спаса́емым:/ спаси́ мя Дéво, ма́терними Твои́ми мольба́ми,// и бóдущия жízни сподóби.

Канóн Срэтения, глас 3:

Припев: Сла́ва, Тебé, Бо́же наш, сла́ва Тебé.

Тропарь: Ра́дуйся, Симеóне, неизречénных тайнниче, Богоро́дица вопия́ше,/ о Нёмже

от Святáго дрéвле известíся тебé Дúха,/ млáдénствовáвшего Слóва Христá на рúки приимí, зовýй Емý:// испóлнишася вся Твоегó хвалéния. *(Двáжды)*

Слáва Отцú, и Сы́ну, и Святóму Дúху.

Тропа́рь: На Него́же упова́л еси́, Симео́не, вóзраст де́тищный,/ ра́дуясь, подымí Христá, Изра́иля Божéственнаго утешéние,/ за́кона Творца́ и Влады́ку, исполня́ющего за́кона чин, зовýй Емý:// испóлнишася вся Твоегó хвалéния.

И ны́не и прýсно и во ве́ки веко́в, ами́нь.

Богоро́дичен: Вíдя Симео́н Слóво Безнача́льное, с плóтию, я́ко на престо́ле Херувíмстем, Де́вою носíмо,/ вино́внаго е́же бы́ти вся́ческих, я́ко Младéнцу ди́вяся, вопия́ше Емý:// испóлнишася вся Твоегó хвалéния.

КАТАВА́СИЯ СРЕ́ТЕНИЯ, ГЛАС 3:

Хор: Покры́ла естъ небеса́ добродéтель Твоя́, Христé,/ из кивóта бо проше́д святы́ни Твоея́ нетлénная Ма́тере,/ в хра́ме сла́вы Твоея́ яви́лся еси́/ я́ко млáденец руконо́симъ, // и испóлнишася вся Твоегó хвалéния.

ПЕСНЬ 5:

КАНОН ВОСКРЕ́СНЫЙ, ГЛАС 2:

Хор:

Ирмос: Ходáтай Бо́гу и челове́ком был еси́, Христé Бо́же;/ Тобо́ю, бо Влады́ко, к Светонача́льнику, Отцú Твоемý,/ от но́щи неведéния// приведéние íмамы.

Припев: Сла́ва, Го́споди, свято́му Воскресéнию Твоемý.

Тропа́рь: Я́ко кéдры, Христé, язы́ков шата́ние сокруши́л еси́ во́лею, Влады́ко:/ я́ко изво́лил еси́ на кипарíсе, и на пéвке, и кéдре, // плóтию совозвыша́емъ.

Припев: Сла́ва, Го́споди, свято́му Воскресéнию Твоемý.

Тропа́рь: В ро́ве, Христé, преиспо́днем положи́ша Тя бездыхáнна ме́ртва:/ но Твое́ю я́звою забвénная мертвыя, íже во гробéх спя́щия, уязвен// с Собо́ю воскресíл еси́.

Припев: Пресвята́я Богоро́дице, спаси́ нас.

Богоро́дичен: Моли́ Сы́на Твоегó и Го́спода, Де́во Чíстая,/ на Тя упова́ющим мир дарова́ти, пленénным избавлéние, // от сопроти́вных настоя́ний.

КАНО́Н БОГОРО́ДИЦЫ, ГЛАС 2:

Припев: Пресвята́я Богоро́дице, спаси́ нас.

Тропа́рь: О́блацы весéлия сла́дость кропи́те сýщым на земли:/ я́ко Отрочá даде́ся, Íже сýй прéжде ве́к, // от Де́вы вопло́щся Бо́г на́ш.

Припев: Пресвята́я Богоро́дице, спаси́ нас.

Тропа́рь: Жити́ю и плóти моéй свéт возсия́,/ и дря́хлость грехá разруши́:// напо́сле́док от Де́вы без се́мене вопло́щся Вы́шний.

КАНО́Н ТРИО́ДИ, ГЛАС 2:

Припе́в: **Помѣлуй мя Бо́же, помѣлуй мя.**

Тропа́рь: **Порабо́тихся гра́жданом стра́нным,/ и в страну́ тлетво́рную отыдо́х, и испо́лнихся студа́:// ны́не же обра́щая зову́ Ти Ще́дре, согрешѣх.**

Припе́в: **Помѣлуй мя Бо́же, помѣлуй мя.**

Тропа́рь: **Оте́ческая Твоя́ благоутро́бия ны́не отве́рзи ми,/ от злых обра́тившуся, Небе́сный О́тче,// и не отри́ни мене́, имѣяй премно́гую мѣлость.**

Припе́в: **Помѣлуй мя Бо́же, помѣлуй мя.**

Тропа́рь: **Не сме́ю воззрѣти горе́ на вы́соту,/ без числа́ Христѣ́ прогне́вав Тя:/ но ве́дый Твоя́ щедрóты мѣлостивныя, взыва́ю:// согрешѣх Ти, очѣисти, и спасѣ́ мя.**

Припе́в: **Пресвята́я Богоро́дице, спасѣ́ нас.**

Богоро́дичен: **Всесвята́я Де́во благода́тная,/ очище́ние всем ро́ждшая,/ моѣх согрешѣ́ний тяжкое бре́мя// Твоѣми моли́твами облеги́.**

КАНО́Н СРЕ́ТЕНИЯ, ГЛАС 3:

Припе́в: **Сла́ва, Тебе́, Бо́же наш, сла́ва Тебе́.**

Тропа́рь: **Разуме́в Божѣ́ственный ста́рец проявле́нную дре́вле проро́ку сла́ву,/ рука́ми Сло́во зря́ Ма́терними держѣ́мо,/ о, ра́дуйся, – вопи́яше, – Чи́стая!/ Я́ко престо́л, бо держѣ́ши Бо́га,// Све́та Невече́рняго и ми́ром влады́чествующа. (Два́жды)**

Сла́ва Отцу́, и Сы́ну, и Свято́му Ду́ху.

Тропа́рь: **Покло́нися ста́рец,/ и стопáм Божѣ́ственне прикосну́вся неискусобра́чныя и Богома́тере,/ О́гнь, – рече́, – но́сиши, Чи́стая:/ Младѣ́нца бою́ся объ́яти Бо́га,// Све́та Невече́рняго и ми́ром влады́чествующа.**

И ны́не и прѣ́сно и во ве́ки веко́в, ами́нь.

Богоро́дичен: **Очища́ется Иса́ия, от Серафа́има уго́ль приѣ́м,/ ста́рец вопи́яше Богома́тери,/ Ты, я́коже клещáми, рука́ми просвещáеши мя, пода́вши, Егóже но́сиши,// Све́та Невече́рняго и ми́ром влады́чествующа.**

КАТАВА́СИЯ СРЕ́ТЕНИЯ, ГЛАС 3:

Хор: **Я́ко ви́де Иса́иа обра́зно/ на Престо́ле превознесе́на Бо́га,/ от áнгел сла́вы дори́носима,/ о ока́янный, вопи́яше, аз:/ прови́дех бо воплоща́ема Бо́га,// Све́та Невече́рня, и ми́ром влады́чествующа.**

ПЕСНЬ 6:

КАНО́Н ВОСКРЕ́СНЫЙ, ГЛАС 2:

Хор:

Ирмос: **В бѣздне грехóвней валя́йся,/ неизслѣдную милосѣрдия Твоегó при-
зыва́ю бѣздно:// от тли Бóже, мя возведи́.**

Припев: **Сла́ва, Го́споди, свято́му Воскресѣ́нию Твоему́.**

Тропарь: **Я́ко злоде́й Пра́ведник осудѣ́ся/ и со беззако́нными на дрѣве пригвоз-
дѣ́ся,// повѣ́нным оставле́ние Своёю да́руя кро́вию.**

Припев: **Сла́ва, Го́споди, свято́му Воскресѣ́нию Твоему́.**

Тропарь: **Еди́нем у́бо челове́ком,/ пѣ́рвым Ада́мом дрѣ́вле в мир вни́де смерть,// и
Еди́нем Воскресѣ́ние Сы́ном Бóжиим яви́ся.**

Припев: **Пресвята́я Богоро́дице, спаси́ нас.**

Богородичен: **Неискусому́жно, Де́во, родила́ еси́,/ и вѣ́чнуеши Де́ва, явля́ющи
И́стиннаго Божества́,// Сы́на и Бо́га Твоегó о́бразы.**

Кано́н Богоро́дицы, глас 2:

Припев: **Пресвята́я Богоро́дице, спаси́ нас.**

Тропарь: **Естество́ челове́ческое рабо́тающее греху́,/ Влады́чице Чѣ́стая, Тобо́ю
свобóду уллучи́:// Твой бо Сын, я́ко а́гнец, за всех закала́ется.**

Припев: **Пресвята́я Богоро́дице, спаси́ нас.**

Тропарь: **Вопи́ем Ти вси, и́стинней Богома́тери,/ прогна́вавшия рабы́ изба́ви://
Еди́на бо дерзнове́ние к Сы́ну има́ши.**

Кано́н Трио́ди, глас 2:

Припе́в: **Помѣ́луй мя Бóже, помѣ́луй мя.**

Тропарь: **Глубина́ согреше́ний содержи́т мя прѣ́сно,/ и трево́лнение грехóв по-
гружа́ет мя:/ окорми́ мя ко приста́нищу жи́зни, Христé Бóже,// и спаси́ мя
Царю́ сла́вы.**

Припе́в: **Помѣ́луй мя Бóже, помѣ́луй мя.**

Тропарь: **Богáтство Оте́ческое расточи́х лю́те,/ и обнища́в студá испóлнихся,/ по-
рабо́щен непло́дными помышле́ньми./ Тѣ́мже Ти вопи́ю:// Человеколю́бче
ущѣ́дри, и спаси́ мя.**

Припе́в: **Помѣ́луй мя Бóже, помѣ́луй мя.**

Тропарь: **Гла́дом истáявша вся́ких благ,/ и устрани́вшася от Тебе́ Всеблагѣ́й,/ ущѣ́дри
обраща́ющаяся мя ны́не,// и спаси́ Христé, пою́ща Твое́ человеколю́бие.**

Припе́в: **Пресвята́я Богоро́дице, спаси́ нас.**

Богородичен: **Спа́са и Влады́ку ро́ждшая Христá,/ спасѣ́ния мя Отрокови́це сподо́би,
обнища́вша от вся́ких благ, Де́во Чѣ́стая,// да пою́ Твоя́ вели́чия.**

Кано́н Срэ́тения, глас 3:

Припе́в: **Сла́ва, Тебе́, Бóже наш, сла́ва Тебе́.**

Тропарь: Си́ону Ты ка́мень возложѣлся еси́,/ непокорѣвым претыка́ние и собла́зна ка́мень,// нерушѣмое вѣрных спасѣние. *(Дважды)*

Сла́ва Отцу́, и Сы́ну, и Свято́му Ду́ху.

Тропа́рь: И́звѣстне нося́ начертáние/ И́же прѣжде век Тя израстѣ́вшаго,/ земных за милосѣрдие ны́не нѣмощи́ю обложѣ́ся.

И ны́не и прѣ́сно и во ве́ки веко́в, ами́нь.

Богороди́чен: Сы́ну Вы́шняго,/ Сы́ну Де́вы,/ Бо́гу, Отрочáти бѣ́вшему,/ поклóньшася Тебѣ ны́не отпу́сти с мѣ́ром.

КАТАВА́СИЯ СРѢ́ТЕНИЯ, ГЛАС 3:

Хор: Вздо́пи к Тебѣ́ ви́дев ста́рец очѣ́ма спасѣ́ние,/ е́же лю́дем при́иде от Бо́га,/ Хри́сте, Ты Бог мой.

ЕКТЕ́НИЯ МА́ЛАЯ...

КОНДА́К Трио́ди, ГЛАС 3, ПОДО́БЕН: «Де́ва днесь...»:

Отѣ́ческия сла́вы Твоея́ удали́хся безу́мно,/ в злых расточи́в е́же ми прѣ́дал еси́ бога́тство./ Тѣ́мже Ти блу́днаго глас приношú:/ согрѣ́ших пред Тобо́ю, О́тче ще́дрый,/ приими́ мя ка́ющася// и сотвори́ мя я́ко еди́наго от наѣ́мник Твои́х.

И́кос:

Спа́су на́шему на всяк день уча́щу Свои́м гла́сом,/ писа́ния услы́шим о блу́дном, и целому́дренном па́ки./ И сегó ве́рою подража́ем до́брое пока́яние,/ Ве́дущему та́йная всех, смире́нием се́рдца воззовѣ́м:/ согрѣ́шихом Ти, О́тче ще́дрый,/ и нико́гдаже досто́йни есмы́ наре́щися ча́да, я́коже прѣ́жде./ Но я́ко естество́м сый чело́веколю́бив, Ты приими́,// и сотвори́ мя я́ко еди́наго от наѣ́мник Твои́х.

ПЕСНЬ 7:

КАНО́Н ВОСКРЕ́СНЫЙ, ГЛАС 2:

Хор:

Ирмос: Богопротѣ́вное велѣ́ние/ беззако́ннующаго мучѣ́теля/ высо́к пла́мень вознесло́ есть;/ Христóс же простре́ Богочестѣ́вым отро́ком ро́су духо́вную,/ Сый благосло́вен и препросла́влен.

Припев: Сла́ва, Го́споди, свято́му Воскресѣ́нию Твоему́.

Тропа́рь: Не терпѣ́л еси́, Влады́ко, за благоутро́бие/ смѣ́ртию чело́века зрѣ́ти му́чима,/ но пришѣ́л и спасл еси́ Твое́ю кро́вию, чело́век быв:// Сый благо́словен и Препросла́влен, Бог отец на́ших.

Припев: Сла́ва, Го́споди, свято́му Воскресѣ́нию Твоему́.

Тропа́рь: Ви́девше Тя, Христé, оболче́на во оде́жду отмщѣ́ния,/ ужасóшася

вратницы áдовы:/ безúмного бо мучителя раба, Влады́ко, пришёл еси́
уби́ти:// Сый благословѣн и Препросла́влен, Бог отецъ на́ших.

Припев: **Пресвятáя Богородице, спаси́ нас.**

Богородичен: Святѣ́хъ Святѣ́йшую Тя разумеем,/ я́ко Еди́ну рóждшую Бóга Непре-
мѣннаго,/ Дѣво Несквѣ́рная, Мати́ Безневѣ́стная:/ всем бо вѣ́рным источи́ла
еси́ нетлѣ́ние,// Божѣ́ственным Рождествóм Твои́м.

КАНО́Н БОГОРО́ДИЦЫ, ГЛАС 2:

Припев: **Пресвятáя Богородице, спаси́ нас.**

Тропарь: Зря́ще в но́щи úбо Иа́ков,/ я́ко в гадáнии Бóга воплощённа,/ из Тебѣ́ же
свѣ́тлостію яви́ся пою́щим:// Пребожѣ́ственный отцѣ́в Бог, и Препросла́влен.

Припев: **Пресвятáя Богородице, спаси́ нас.**

Тропарь: Зна́мения я́же в Тебѣ́, неизрече́ннаго проявля́я сня́тия, со Иа́ковом
бо́рется:/ ѿмже во́лею соедини́ся челове́ком, Чи́стая:// Пребожѣ́ственный
отцѣ́в Бог, и Препросла́влен.

КАНО́Н ТРИО́ДИ, ГЛАС 2:

Припе́в: **Помѣ́луй мя Бо́же, помѣ́луй мя.**

Тропарь: Сла́достем телѣ́сным приклонѣ́хся всеока́янно,/ и порабо́тихся весе́ма
стра́стным изобре́тением,/ и страна́ен бых от Тебѣ́ Человеколю́бче./ Ны́не же
зову́ блу́днаго гла́сом:// согрѣ́шихъ Христе́, не прѣ́зри мене́, я́ко еди́н ми́лостив.

Припе́в: **Помѣ́луй мя Бо́же, помѣ́луй мя.**

Тропарь: Взыва́ю, согрѣ́шихъ, ника́коже воззрѣ́ти дерза́я на высоту́ небѣ́сную, Все-
ца́рю,/ я́ко в безúмии еди́н Тя прогне́вах,/ отвѣ́ргся Твои́х повеле́ний./
Тѣмже я́ко еди́н Благо́й,// не отвѣ́ржи мене́ от Твоего́ лица́.

Припе́в: **Помѣ́луй мя Бо́же, помѣ́луй мя.**

Тропарь: Апóстол, Го́споди, и проро́к, и преподо́бных,/ и честнѣ́хъ мучени́к, и
пра́ведных мольба́ми/ прости́ ми вся, я́же согрѣ́шихъ,/ прогне́вав Христе́
бла́гость Твою́,// я́ко да песносла́влю Тя во вся ве́ки.

Припе́в: **Пресвятáя Богородице, спаси́ нас.**

Богородичен: Херувѣ́м явльши́ся, и серафѣ́м Богородице,/ и всехъ свѣ́тлѣ́йшая небѣ́сныхъ
воѣ́нств,/ с сѣ́ми умоли́, Егóже воплотѣ́ла еси́ Божѣ́ственное Сло́во Всенепо-
ро́чная, Безнача́льнаго Отца́,// я́ко да благъ вѣ́чнующихъ вси сподо́бимся.

КАНО́Н СРѢ́ТЕНИЯ, ГЛАС 3:

Припе́в: **Сла́ва, Тебѣ́, Бо́же наш, сла́ва Тебѣ́.**

Тропарь: Ада́му известѣ́ти хотѣ́й иду́, во áде живу́щу,/ и Ё́ве прине́сти благове́стие,
Симеóн вопия́ше, со проро́ки лику́я:// благословѣ́н Бог отецъ на́ших. *(Два́жды)*

Сла́ва Отцú, и Сы́ну, и Свято́му Ду́ху.

Тропа́рь: **Рóда зéмна избавля́й Бог да́же до а́да при́дет,/ плéнным же пода́ст всем оставле́ние и прозрэ́ние слепы́м, я́ко и немы́м вопи́ти://** **благословéн Бог оте́ц на́ших.**

И ны́не и прýсно и во ве́ки веко́в, ами́нь.

Богоро́дичен: **И Твое́ се́рдце нетле́нная ору́жие про́йдет, Симео́н Богоро́дице провозгласи́,/ на Кресте́ зря́щи Твоего́ Сы́на,/ Ему́же вопие́м://** **благословéн Бог оте́ц на́ших.**

КАТАВА́СИЯ СРѢ́ТЕНИЯ, ГЛАС 3:

Хор: **Тебе́ во огни́ ороси́вшего о́троки богосло́вившия,/ и в Де́ву Нетле́нну всельша́гося Бо́га Сло́ва пойм,/** **благоче́стно пою́ще://** **благословéн Бог оте́ц на́ших.**

ПЕСНЬ 8:

КАНОН ВОСКРЕ́СНЫЙ, ГЛАС 2:

Хор:

Ирмос: **Пещь́ иногда́ о́гненная в Вавило́не де́йства разделя́ше,/ Бо́жиим велéнием халде́и опаля́ющая,/ ве́рныя же ороша́ющая, пою́щая://** **благослови́те вся дела́ Госпóдня, Го́спода.**

Припев: **Сла́ва, Го́споди, свято́му Воскресéнию Твоему́.**

Тропа́рь: **Крóвию Твоею́, Христé,/ очервлéно плóти Твоея́ зря́ще одея́ние,/ трéпетом ужаса́хуся мно́гому Твоему́ долготерпéнию а́нгельстии чýни, зову́ще://** **благослови́те вся дела́ Госпóдня, Го́спода.**

Припев: **Сла́ва, Го́споди, свято́му Воскресéнию Твоему́.**

Тропа́рь: **Ты моё́ сме́ртное оде́ял еси́, Ще́дре,/ в безсме́ртие воста́нием Твои́м./ Те́мже веселя́щися благода́рственно воспева́ют Тя/ избра́ннии лю́дие, Христé, зову́ще Тебе́://** **поже́рта бысть вои́стинну сме́рть побéдою.**

Припев: **Пресвята́я Богоро́дице, спаси́ нас.**

Богородичен: **Ты, Ё́же Отцú неразлу́чнаго,/ во утробе́ богому́жно пожив́ша безсе́менно зачала́ еси́,/ и неизрече́нно родила́ еси́, Богороди́тельнице Пречи́стая://** **те́мже Тя спасéние всех нас све́мы.**

КАНО́Н БОГОРО́ДИЦЫ, ГЛАС 2:

Припев: **Пресвята́я Богоро́дице, спаси́ нас.**

Тропа́рь: **Ви́ден бысть на земли́ Тобо́ю, и с челове́ки поживé,/ Ё́же бла́гостию несравне́нный и си́лою,/ Ему́же пою́ще вси ве́рнии зове́м:/** **осущество-**

вáнная да поёт Гóспода вся тварь, // и превознóсит во вся вѣки.

Припев: Пресвятáя Богорóдице, спаси нас.

Тропарь: Воистинну Тя, Чистую проповѣдающе, славим Богорóдицу: / Ты бо едина родила еси от Троицы воплощенна, / Ему же со Отцем и Духом вси поем: / да поёт Гóспода вся тварь, // и превознóсит во вся вѣки.

КАНОН ТРОИДИ, ГЛАС 2:

Припев: Помилуй мя Бóже, помилуй мя.

Тропарь: Сшѣдый на зѣмлю спасти мир, / вольною нищетóю за милосѣрдие многóе, / обнищавшаго мя ныне от всякаго благодѣяния, // я́ко мѣлостивый, спаси.

Припев: Помилуй мя Бóже, помилуй мя.

Тропарь: От Твоѣх заповедей удалѣвша, / поработѣхся всеока́нно лестцѹ: / обра- щáющагося же ныне, / я́ко блуднаго дрѣвле припадающа Тебѣ, // приими Пренебѣсный О́тче.

Припев: Помилуй мя Бóже, помилуй мя.

Тропарь: Тлетворными помышлѣньми объѣмся омрачѣхся, / и от Тебѣ удалѣхся, весь вне себѣ быв Щедре. // Тѣмже в покая́нии припадающа Тебѣ спаси.

Припев: Пресвятáя Богорóдице, спаси нас.

Богородичен: Богородительнице Чѣстая, / низверженных исправлѣние едина, исправи и мене // всякими грѣхами сокрушеннаго всего и смиреннаго.

КАНОН СРѢТЕНИЯ, ГЛАС 3:

Припев: Сла́ва, Тебѣ, Бóже наш, сла́ва Тебѣ.

Тропарь: Лю́дие Изра́илевы, Твою́ сла́ву Емману́ила зряще Отрочá из Дѣвы, / пред- лицѣм Божѣственнаго ковчѣга ныне ликуйте: / благословите, вся дела́ Гос- пóдня, Гóспода // и превозносите во вся вѣки. *(Дважды)*

Благословѣм Отца́, и Сы́на, и Свята́го Духа, Гóспода.

Тропарь: Се, Симеон вопиáше, пререка́емое зна́мение Сей бѹдет, / Бог Сый и Отро- чá, / Сему́, вѣрнии, возопи́м: / благословите, вся дела́ Госпóдня, Гóспода // и превозносите во вся вѣки.

И ны́не и прѣсно и во вѣки веко́в, аминь.

Богородичен: Живóт сый, сей бѹдет падѣние непокорѣвым, / младѣнствовав Бог Сло́во, / я́ко востáние всем вѣрою пою́щим: / благословите, вся дела́ Гос- пóдня, Гóспода // и превозносите во вся вѣки.

КАТАВА́СИЯ СРѢТЕНИЯ, ГЛАС 3:

Хор: Хва́лим, благословѣм, покланя́емся Гóсподеви, пою́ще и превозно-

сѣще во вся вѣки.

Нестерпíмому огню соединíвшеся,/ Богочѣстия предстоѣще, юноши,/ пламенем же невреждѣни,/ Божѣственную песнь пояху:/ благословíte, вся дела́ Госпóдня, Гóспода// и превозносите во вся вѣки.

Диакон: Богорóдицу и Мáтерь Свѣта в пѣснях возвеличим.

ПЕСНЬ ПРЕСВЯТО́Й БОГОРОДИЦЫ:

Хор: Величит душá Моя Гóспода,/ и возрадовася дух Мой о Бóзе Спáсе Моём.
Честнѣйшую Херувím/ и Слáвнейшую без сравнѣния Серафím,/ без ислѣния Бóга Слóва рóждшую,/ сущую Богорóдицу, Тя велича́ем.

Я́ко призрѣ на смиренíе рабы́ Своея́,/ се бо от ны́не ублажа́т Мя вси рóди.

Честнѣйшую...

Я́ко сотвори́ Мне вели́чие Сíльный,/ и свято́ Ё́мя Егó, и мíлость Егó в рóды родóв боя́щимся Егó.

Честнѣйшую...

Сотвори́ держáву мы́шцею Сво́ею,/ расточи́ гóрдыя мýслию сѣрдца их.

Честнѣйшую...

Низложи́ сíльныя со престóл, и вознесе́ смиренныя;/ álчущия испóлни благ, и богатя́щися отпусти́ тщи.

Честнѣйшую...

Восприят́ Израíля óтрока Своегó, помяну́ти мíлости,/ я́коже глаго́ла ко отцѣм на́шим, Авраáму и сѣмени егó, да́же до вѣка.

Честнѣйшую...

ПЕСНЬ 9:

КАНОН ВОСКРЕ́СНЫЙ, ГЛАС 2:

Хор:

Ирмос: Безначáльна Родíтеля Сын, Бог и Госпóдь,/ вопло́щся от Дѣвы, нам яв́ися,/ омрачѣнная просветíти,/ собрати́ расточѣнная,// тем Всепѣтую Богорóдицу велича́ем.

Припев: Слáва, Гóсподи, свято́му Воскресѣ́нiю Твоемý.

Тропарь: Я́ко в рай насаждѣно на лóбнем, Спáсе,/ требогáтое дрѣво Твоегó пречíстаго Крестá,/ крóвию и водóю Божѣственную,/ я́ко от истóчника Божѣственнаго,/ ребрá Твоегó, Христѣ, напо́яемо,// живóт нам прозяблó есть.

Припев: Слáва, Гóсподи, свято́му Воскресѣ́нiю Твоемý.

Тропарь: Низложи́л есí сíльныя, распнýйся, Всесíльне,/ и ё́же нíзу лежа́щее во áдове твердýни,/ естество́ человѣческое возне́с,/ на Óтчем посади́л есí пре-

сто́ле.// С Нѣмже Тебѣ грядúщу поклоняющеся, велича́ем.

Припев: **Пресвятáя Трѳице, Бóже наш, сла́ва Тебѣ.**

Трѳичен: **Ед́иницу Трѳи́сленную, Трѳицу Единосúщную/ правосла́вно пою́ще
вѣрнии, сла́вим:/ непресеко́мо Пребоже́ственное Естество́,/ трисвѣтлую, не-
вечѣрнюю зарю́,// Ед́ину нетлѣнную нам свет возсия́вшую.**

КАНО́Н БОГОРѢДИЦЫ, ГЛАС 2:

Припев: **Пресвятáя БогорѢдице, спаси́ нас.**

Тропарь: **Жезл крѣпости даде́ся естеству́ тлѣнному,/ Сло́во Бóжие во утрѢбе
Твое́й, Чѣстая:/ и си́е воскреси́, до áда попо́лзшееся.// Тѣмже Тя, Всечѣстая,
я́ко БогорѢдицу, велича́ем.**

Припев: **Пресвятáя БогорѢдице, спаси́ нас.**

Тропарь: **Ю́же изво́лил еси́, Влады́ко,/ приими́ мѣлостивно Моли́твенницу,/
Ма́терь Твою́, о нас,/ и Твоея́ бла́гости вся́ческая испѳлняется:// да Тя вси,
я́ко Благоде́теля, велича́ем.**

КАНО́Н ТрѢДИ, ГЛАС 2:

Припе́в: **Помѣлуй мя Бóже, помѣлуй мя.**

Тропарь: **Виждь Христѣ печа́ль се́рдца, виждь моѣ обра́щение,/ виждь слѣзы Спа́се,
и не прѣзри мене́,/ но обы́ми па́ки благоутрѢбия ра́ди,/ мно́жеству спа-
са́емых Пречѣстая,// я́ко да пою́ благода́рно мѣлости Твоея́.**

Припе́в: **Помѣлуй мя Бóже, помѣлуй мя.**

Тропарь: **Я́ко разбо́йник вопи́ю: помяни́ мя,/ я́ко мытарь умили́вся, би́ю в пе́рси, и
зову́ ны́не: очѣисти,/ я́коже блúднаго приими́ мя Всеще́дный, от всех зол
моѣх, Всеца́рю:// я́ко да пою́ Твое́ кра́йнее снѣзхожде́ние.**

Припе́в: **Помѣлуй мя Бóже, помѣлуй мя.**

Тропарь: **Е́же иногда́ соде́лал еси́ весе́лие блúднаго, Бла́же, обра́щением
во́льным,/ си́е ны́не сотвори́ и на мне ока́янном,/ прости́рая ми честна́я
Твоя́ объ́ятия.// Да спа́сса песносло́влю кра́йнее Твое́ снѣзхожде́ние.**

Припе́в: **Пресвятáя БогорѢдице, спаси́ нас.**

БогорѢдичен: **Свѣтлыми моли́твами Твоѣми Дѣво,/ мѣсленная мо́я очеса́ омраче́нная
зло́бою, просвети́, молю́ся,/ и к путе́м пока́яния введи́ мя,/ я́ко да до́лжно Тя
песносло́влю,// па́че сло́ва Сло́во воплоти́вшую.**

КАНО́Н СРѢТЕНИЯ, ГЛАС 3:

Припе́в: **Сла́ва, Тебѣ, Бóже наш, сла́ва Тебѣ.**

Тропарь: **И́же дрѣвним новорожде́нных го́рличищ супру́г дво́ица же бы́ше птен-
це́в,/ в нѣхже ме́сто Божѣственный ста́рец и целомúдренная А́нна про-**

рóчица/ от Дéвы рождénному и Сы́ну Единорóдному О́тчу, // в цéрковь при-
носíму, слúжат, велича́юще. *(Дважды)*

Сла́ва Отцú, и Сы́ну, и Свято́му Ду́ху.

Тропа́рь: **В**озда́л еси́ мне, вопия́ше Симео́н,/ спасéния Твоегó, Христé, ра́дование,/ восприимí Твоегó служíтеля, сэнию претруждénнаго, // нóвыя благода́ти Священнопроповéдника та́йнаго во хвалéнии велича́юща.

И ны́не и прísно и во véки векóв, амíнь.

Богорóдичен: **С**вященнолéпно исповéдашеся А́нна, прорица́ющи,/ целомúдренная, и преподóбная, и ста́рица, Влады́це в цéркви я́вственно, // Богорóдицу же, проповéдающи всем сúщим, велича́ше.

КАТАВА́СИЯ СРÉТЕНИЯ, ГЛАС 3:

Хор: **В** за́коне сэни и писáний/ о́браз ви́дим, вéрнии:/ всяк му́жеский пол, ложесна́ разверза́я, свят Бо́гу./ Тем перворождénное Сло́во,/ Отца́ Безнача́льна,/ Сы́на Первородя́щася Ма́терию неискусомúжно, // велича́ем.

ЕКТЕНИ́Я МА́ЛАЯ...

ЕКСАПОСТИЛА́РИЙ ВОСКРЕ́СНЫЙ ВТОРО́Й:

Ка́мень узрéвша отвалéн, миронóсицы ра́довахуся,/ ви́деша бо ю́ношу седя́ща во грóбе,/ и той тем рече́: се Христóс востáл есть,/ рцýте с Петро́м ученико́м:/ на го́ру приспéйте Галиле́йскую, та́мо вам яви́тся, // я́коже предрече́ друго́м.

Сла́ва Отцú и Сы́ну и Свято́му Ду́ху.

СВЕТИ́ЛЕН ИЗ ТРИО́ДИ, ПОДОБЕН: «ЖЕНЫ́ УСЛЫ́ШИТЕ...»:

Богáтство, е́же ми дал еси́, благода́ти, окая́нный отше́д,/ непотрэ́бно зле иждíх, Спа́се, блúдно пожíв,/ де́моном льстíвно расточíх./ Тёмже мя обра́щающася, // я́коже блúднаго приимí, О́тче ще́дрый, и спасí.

И ны́не и прísно и во véки векóв. Амíнь.

СВЕТИ́ЛЕН СРÉТЕНИЯ, САМОПОДО́БЕН:

Ду́хом во святíлищи предста́в,/ ста́рец на ру́ки восприя́т за́кона Влады́ку, вопия́:/ ны́не соу́з мя плотскíх разреши́, я́коже рекл еси́, с мíром:// ви́дех бо очíма откровéние язы́ков и Изра́илю спасéние.